



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/1-02-1394/22

Datum: 14.09.2022.godine

Na osnovu članova 68. stav (4) tačka i) i 70. Zakona o javnim nabavkama Bosne i Hercegovine ("Službeni glasnik BiH", broj: 39/14), otvorenog postupka javne nabavke za izgradnju javne rasvjete MZ Vratnica objavljenog na portalu javnih nabavki Obavještenjem o nabavci broj: 870-1-3-63-3-90/22 od 29.07.2022.god., donosim:

**ODLUKU
o izboru najpovoljnijeg ponuđača**

I

Komisija je konstatovala da su ponude ponuđača GEWIS d.o.o. BUSOVAČA, ELEKTROCENTAR PETEK d.o.o. TUZLA, SAŠA TRADE d.o.o. DOBOJ, NEXEN d.o.o. BANJA LUKA i SES d.o.o. SARAJEVO dostavljene u skladu sa tenderskom dokumentacijom, dok ponuda ponuđača ELVIK d.o.o. SREBRENİK nije dostavljena u skladu sa tenderskom dokumentacijom zbog čega je odbačena.

U skladu sa navedenim i provedenom e-aukcijom najpovoljnijim ponuđačem proglašava se:

NEXEN d.o.o. BANJA LUKA
sa cijenom ponude od 36.957,89 KM bez PDV-a

II

Izabrani ponuđač obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji. Ponuđač NEXEN d.o.o. BANJA LUKA obavezan je dostaviti dokaz iz tačke 12.1. a) (ekonomska i finansijska sposobnost) Tenderske dokumentacije u originalu ili ovjerenoj kopiji u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji, obzirom da je u okviru ponude dostavio običnu kopiju potvrde banke.

III

Po sticanju uslova za zaključenje ugovora, ugovorni organ će pozvati izabranog ponuđača radi zaključenja ugovora u skladu sa zahtjevima-uslovima ugovornog organa navedenim u otvorenom postupku.

IV

Odluka stupa na snagu danom donošenja.

O b r a z l o ž e n j e

Grad Visoko je pokrenuo otvoreni postupak javne nabavke za izgradnju javne rasvjete MZ Vratnica Odlukom o pokretanju postupka broj: 01/1-02-1040/22 od 27.07.2022.god. Postupak je objavljen na portalu javnih nabavki Obavještenjem o nabavci broj: 870-1-3-63-3-90/22 od 29.07.2022.god. i u Službenom glasniku BiH broj: 52/22 od 05.08.2022. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/1-02-1041/22 od 27.07.2022.god., u sastavu:

- | | |
|-----------------------------|--|
| 1. Adna Smajić, predsjednik | 1. Seid Burić, zamjenik predsjednika |
| 2. Mirela Zukić, član | 2. Lejla Ahmetović, zamjenik člana |
| 3. Suad Efendira, član | 3. Almir Osmanbegović, zamjenik člana |
| 4. Zilha Sirčo, sekretar | 4. Andrea Mitrović-Karačić, zamjenik sekretara |

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

U roku za dostavljanje ponuda 18.08.2022.god. do 12:00 sati dostavljene su ponude ponuđača:

1. SAŠA TRADE d.o.o. DOBOJ
2. ELEKTROCENTAR PETEK d.o.o. TUZLA
3. ELVIK d.o.o. SREBRENİK
4. NEXEN d.o.o. BANJA LUKA
5. GEWIS d.o.o. BUSOVAČA
6. SES d.o.o. SARAJEVO

Dana 18.08.2022.god. u 12:15 sati Komisija je pristupila otvaranju pristiglih ponuda. Zbog korištenja godišnjeg odmora od strane sekretara i zamjenika sekretara komisije, otvaranje ponuda izvršili su predsjednik i članovi komisije.

Otvaranju ponuda prisustvovao je predstavnik ponuđača SES d.o.o. SARAJEVO gđin. Nermin Džuzdanović.

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	SAŠA TRADE d.o.o. DOBOJ	42.732,00	/
2.	ELEKTROCENTAR PETEK d.o.o. TUZLA	42.730,78	/
3.	ELVIK d.o.o. SREBRENİK	42.722,00	/
4.	NEXEN d.o.o. BANJA LUKA	42.735,00	/
5.	GEWIS d.o.o. BUSOVAČA	42.115,00	/
6.	SES d.o.o. SARAJEVO	46.517,60	/

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14).

Komisija je izvršila evaluaciju ponuda i konstatovala sljedeće:

Ponuda ponuđača SAŠA TRADE d.o.o. DOBOJ je blagovremena, računski tačna i dostavljena u skladu sa uslovima iz Tenderske dokumentacije. Ponuđač u obrascu za dostavljanje ponude nije upisao rok važenja ponude, zbog čega se, u skladu sa tačkom 22. Tenderske dokumentacije i članom 60. stav (1) Zakona o javnim nabavkama, smatra da ponuda važi za period naznačen u tenderskoj dokumentaciji. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju potvrde banke iz tačke 12.1. Tenderske dokumentacije.

Ponuda ponuđača ELEKTROCENTAR PETEK d.o.o. TUZLA je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju potvrde banke iz tačke 12.1. Tenderske dokumentacije.

Ponuda ponuđača ELVIK d.o.o. SREBRENİK je blagovremena, računski tačna, ali nije dostavljena u skladu sa uslovima iz Tenderske dokumentacije. Ponuđač je kao dokaz za uslov iz tačke 12.2. a) tenderske dokumentacije dostavio Potvrdu o uspješno izvedenim radovima broj: 01-286-1/22 od 02.02.2022.god. izdatu od strane JATA GROUP d.o.o. Srebrenik u kojoj se navodi da je ponuđač Elvik d.o.o. Srebrenik kao podizvođač izvršio usluge na izvođenju montažnih radova na izradi rasvjete na rekonstrukciji "crne tačke Husino". Tačkom 12.2. a) Tenderske dokumentacije propisano je sljedeće: "da ima jednu ili više potvrda koje daje/u druga/e ugovorna/e strana (**krajnji korisnik tj. naručilac**) o uredno izvršenom/izvršenim ugovoru/ima iz predmeta nabavke". Kako je iz dostavljenog spiska izvršenih ugovora broj: 135-2/22 od 16.08.2022.god. vidljivo radi se o projektu Grada Tuzla gdje je glavni izvođač bio JATA GROUP d.o.o. Srebrenik. Dakle, navedena potvrda o uspješno izvedenim radovima nije izdata od strane krajnjeg korisnika tj. naručioca. Ured za razmatranje žalbi BiH je Rješenjem broj: JN2-03-07-1-138-9/18 od 28.02.2018.god. u vezi iste situacije zauzeo stav da potvrdu nije izdao krajnji korisnik tj. naručilac radova koji jedino može potvrditi da je ugovor i uredno izvršen.

U skladu sa navedenim, odbacuje se ponuda ponuđača ELVIK d.o.o. SREBRENİK.

Ponuda ponuđača NEXEN d.o.o. BANJA LUKA je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju potvrde banke iz tačke 12.1. Tenderske dokumentacije.

Ponuda ponuđača GEWIS d.o.o. BUSOVAČA je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju potvrde banke iz tačke 12.1. Tenderske dokumentacije.

Ponuda ponuđača SES d.o.o. SARAJEVO je blagovremena, računski tačna i dostavljena u skladu sa uslovima iz Tenderske dokumentacije. Ponuđač je u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14) koja je u skladu sa tenderskom dokumentacijom, dostavio je ovjerenu kopiju potvrde banke iz tačke 12.1. Tenderske dokumentacije.

Komisija je predložila da se provede e-aukcija u skladu sa Pravilnikom o uslovima i načinu korištenja e-aukcije.

Rang lista ponuđača prije zakazivanja e-aukcije:

1. GEWIS d.o.o. BUSOVAČA – 42.115,00 KM bez PDV-a
2. ELEKTROCENTAR PETEK d.o.o. TUZLA – 42.730,78 KM bez PDV-a
3. SAŠA TRADE d.o.o. DOBOJ – 42.732,00 KM bez PDV-a
4. NEXEN d.o.o. BANJA LUKA – 42.735,00 KM bez PDV-a
5. SES d.o.o. SARAJEVO – 46.517,60 KM bez PDV-a

Ugovorni organ je zakazao e-aukciju za dan 12.09.2022. god.

Dana 12.09.2022. godine Komisija imenovana Rješenjem broj: 01/1-02-1041/22 od 27.07.2022.god., u sastavu:

1. Adna Smajić, predsjednik
2. Lejla Ahmetović, zamjenik člana
3. Suad Efendira, član
4. Zilha Sirčo, sekretar,

se sastala i pristupila uvidu u izvještaj o toku i završetku e-aukcije.

Komisija je konstatovala sljedeće:

U toku e-aukcije koja je započela dana 12.09.2022. godine u 09:00 sati a završila istog dana u 09:49 sati došlo je do promjene cijena, te je najpovoljniji ponuđač nakon završene e-aukcije NEXEN d.o.o. BANJA LUKA sa cijenom ponude u iznosu od 36.957,89 KM bez PDV-a, koja ne prelazi procijenjenu vrijednost nabavke.

Komisija je predložila donošenje odluke o izboru najpovoljnijeg ponuđača: NEXEN d.o.o. BANJA LUKA sa cijenom ponude od 36.957,89 KM bez PDV-a.

U skladu sa navedenim, odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Dostavljeno:

1. SAŠA TRADE d.o.o. DOBOJ,
2. ELEKTROCENTAR PETEK d.o.o. TUZLA,
3. ELVIK d.o.o. SREBRENİK,
4. NEXEN d.o.o. BANJA LUKA,
5. GEWIS d.o.o. BUSOVAČA,
6. SES d.o.o. SARAJEVO,
7. Evidencija,
8. a/a.-

